

四庫全書

史部

欽定四庫全書

江南通志卷一

輿地志

有土地後有人民有人民後有政事土地者三寶之首
故志者先焉今直隸外為省者十有五而江南為大自
周秦迄元錯壤犬牙名號互異明畫其界

國朝因之蓋沿革者屢矣不改者山川也城郭宮室關
市之屬輒與時遷移焉其郡邑或沿唐宋或從近代今

或陞州為郡析縣為縣無華離之地矣一督兩撫之所
治雄視鄰藩遙拱

京國封疆誠重且大哉就圖為說而表其沿革若疆域
以下次第及之遺蹟皆入焉為類十有二為卷四十有
八作輿地志第一

圖說

江南全省形勢總圖

有說

江南十六府八州分界圖

江寧省城圖

說見前

江寧府圖

有說

蘇州府圖

有說

松江府圖

有說

常州府圖

有說

鎮江府圖

有說

淮安府圖

有說

揚州府圖

有說

徐州府圖

有說

太倉州圖

有說

海州圖

有說

通州圖

有說


חלום אברהם


11

二、普通部

三

江南全省形勢總圖





江南總圖說

江南於天文占斗牛女奎婁房心分野在星紀降婁大火之次其地廣輪數千里左臨大海旁界五省其名山則有蔣茅八公天柱九華黃山塗梁采石其大川則有黃河江淮泗運河三江汝潁睢滌肥其數則有震澤巢湖洮湖其重險則有東關二峴清流關名都雄鎮以江淮為統紀淮之北由潁亳徐邳盡於海贛所以障淮也淮之南由廬壽滁和訖於揚通所以蔽江也江之南首


重金陵而安池太平峙其上游鎮常蘇松廣其輔翼西北則平原曠邈以羣山為几案東南則百川匯流以滄海為池沼漕河自南訖北蜿蜒其中轉輸飛輓檣颿相望東南形勝於茲為最矣其田賦當天下十之三漕粟當天下十之五又益以淮浙之鹽筴關津之征權其風氣則淮水以西席用武之餘烈多亢爽剛勁大江以東承浮靡之遺習多優柔文弱雖水土之性固殊至於沐浴膏澤被服禮義則富教之效也

江南十六府八州分界圖

說見前

北山東莒州界

北山東日照縣界



南浙江

昌化界

於潛界

長興界

湖州界

嘉興界

東南海鹽界

西北河南鹿之界

光平界

西河南固皆界

鹿嶺界

羅由界


湖廣黃州界

西北河南鹿之界

北山東嶺界

江南通志

六



彭澤界


浮梁界


樂平界

遂安界

淳安界

江寧省城圖





大縣界



西至和州界
江南通志

國府界

江寧府圖說

江寧府天文斗牛女分野星紀之次其地東控京口西
接歷陽南距宛陵北界天長武侯謂龍蟠虎踞朱子亦
言岷山之脈東盡於建康山之所至水亦會焉鍾山之
左挾層巒而綿亘迄於西南大江之右經石頭而朝宗
出於東北山水相環中開宏衍依北山以作鎮憑牛首
而為關秦淮繞其陽後湖蕩其陰磅礴扶輿蘊藏靈懿
蓋東南之壯麗無過於此者矣若乃襟帶淮海控甌閩


而引荆楚北通梁宋齊魯之郊洵水陸之總會也設制
府以轄列郡宿重兵以資彈壓經緯之方得地利焉句
容有華陽地肺號為名山當郡東鄙扼丹陽京口之路
而下蜀龍潭俱大江津濟之所漂水高淳環山據澤其
間有丹陽石臼固城三湖古中江流經於此下達荆溪
江浦有浦子口自此濟江至府城十餘里而近六合東
有瓜步山臨迥為高南有六合山即魏太武所嘗登也
宣化鎮在宣化山之陽隋晉王廣嘗於此渡江故二邑

於古皆屬江北州郡明代割隸江寧稱控禦長策至憑
江設險所在俱有而自昔以潤州姑孰為尤要焉


東至太倉州界

蘇州府統九縣圖

通至北



嘉江浙至南



蘓州府圖說


蘓州府天文斗牛分野星紀之次其地東距太倉西通
陽羨南界嘉興北距大江三縣附郭而居六邑環其外
山川鉅麗風土清嘉江南之奧壤也山之老者陽山天
平穹窿崑崙以拱郡治蜿蜒而北出者萃於海虞而為
虞山水則長江自江陰流入經常熟縣境而東注於海鉅
而名者太湖也中有七十二山吞吐波際常潤宣歙之
水皆納於此而下注三江運河則自嘉興而北經郡城會

胥江而西北入無錫縣界擅江湖之利兼海陸之饒繁
華盛麗之名甲天下至若萬流所輳分津導渠組繡交
錯田賦所出常書上上而吳江以西濱於太湖其患在
潦荒山以東高接岡身其患在旱一則宜開吳淞白茆
以為洩注一則宜為陂塘蓄水以時灌溉此水利所以
為要務也郡為浙西要會轉輸供億天下資其財力且
其地形四達水陸交通浮江達淮倚湖控海開府於茲
兼轄八郡三州豈不以形勢所關匪但財賦之淵藪哉

松江府統八縣圖


北至蘓州

東至大海界



南至金山

府崑山縣界



界縣

西至蘇州府長洲縣界


江南通志

松江府圖說

松江府天文斗牛分野星紀之次其地西連吳會北距
膠城東南皆濱大海郡建置稍後然谷水崑山自昔傳
為名勝以故鍾靈毓秀雄望埒于蘓常不獨穀帛所資
推為財賦要區矣山峙郡之西北元人凌巖題以九峯
名勝遂著於天下吳松江流經青浦上海之界上承太
湖澱泖諸水而會黃浦以入於海府之所由名也黃浦
亦上承澱泖而下流視松江尤大澱山湖古來鍾水之

地三泖或云即谷水二水相通皆巨浸云所屬八邑半
瀕於海魚鹽蜃蛤之饒民賴其利然鹹水或乘風潮溢
入此捍海塘所以厚其防也大海環其東南而錢唐灌
輸於南長淮揚子灌輸於北與松江之口皆輻列海濱
互為形援今南匯青村金山三城已改縣治而郡城駐
劉督帥宿重兵以資控扼焉

界縣興泰



界縣德建州

常州府圖說

卷一

常州府天文斗牛分野星紀之次其地東臨吳會西拱潤州南抵建平北距泰興唐李華所謂當楚越之襟束居三吳之爽塏望高地劇江外名邦者也山迴水匝環為都會外與而內曠舟車四達物產阜繁擅沃衍之宜兼水陸之利若夫九龍蜿蜒二洞哈呀境內名山難以悉數水則洮滬二湖與具區埒東九西九納鎮江廣德及諸山澗之水滙為長流荆溪舊受中江而百瀆為之

尾閘運河自東南達於西北行府境者幾二百里若其
形勢之大者北則長江自丹陽東南以注於海虞以江
陰為保障以靖江為犄角而東西各岬皆其津要南則
太湖三萬六千頃包括衆流而武進無錫宜興環其三
面百瀆梁溪又其津要也至若武進江陰地高而患旱
無錫宜興地卑而患潦求其蓄洩之宜而疏支渠以待
時灌漑浚百瀆以定震澤則地利興而豐穰因之矣

鎮江府四縣圖

北至揚州府

東至常州府宜興縣界



南至常州府

鎮江府圖說

鎮江府天文斗牛分野星紀之次其地東接晉陵西通
句曲南界廣德北距江都大江自句容界流逕郡城北
又東歷丹陽入常州府其山曰北固曰金曰焦世稱京
口三山為江海鎖鑰云由府境西抵石頭高岡逼岸宛
如長城凡二百餘里由府境東至孟瀆七十餘里或高
峯橫亘或洲渚錯列或沙港淺狹難以通行故江岸之
防惟在京口而圖山當江流屈曲之處其防為尤要蓋


地當四達之衝上則翼衛建康下則襟束毘陵北道淮
楚通泗豫南走錢唐甌越商軺賈舶水陸相望於城下
自孫吳以來號為重鎮誠所謂三吳襟帶之邦百越舟
車之會矣至郡治諸山來自浙西之天目分支為二其
左逆江而上者萃於金陵其右沿江而下者入於蘇常
盡於大海又所謂三吳之山川林泉肇發於此者也運
河自武進流入丹陽又西北經丹徒縣而達於江卽隋
渠之遺迹也金壇之三茅山西連句容丹陽之練湖金

壇之長蕩謹脩築禁侵占可以溉田而濟運漂陽五堰
分江水以入蕪湖者也漂水一名永陽江即古所謂中
江者下流為丹陽之白鶴溪宜興之荆溪者也

東至海岸界


淮安府統六縣圖

北至山東青州



南至揚州

界州莒府



西至鳳陽府虹縣界

江南通志

二十

寶應縣界

淮安府圖說

淮安府天文分野星紀之次清河安東二縣奎婁分野降婁之次其地東至海濱西連宿豫南接寶應北距朐山運河南自高寶抵郡城西北又西達於淮迢迢一水上則方舟通於清泗下則風帆達於江津地形都要水陸交通自古號為重鎮歲漕數百萬咸取道於此誠南北之襟喉也黃河西北自邳州流入淮水西南自泗州流入而會於清河縣之清口東北以入於海其發源

中州挾諸山溪之水而東流匯為巨湖者曰洪澤郡既有淮加以黃河之全注而清口不能驟洩則益停瀦於洪澤故淮之為郡惟恃高堰一堤歲修所以衛生民而護運道也西有清江浦居民夾岸為水陸孔道有廟灣鎮橫扼海口商舶往來號稱險要明代建有城垣今阜寧分邑於此清河當淮泗之口桃源在其西南二邑中限河淮連諸湖蕩時衍溢為害鹽城東阻巨海為郡屏障場竈相望鹽策之所自出也西則射陽湖與山陽界

納諸邑及高寶之水而注於海安東當河淮入海之處
有連河焉

1871


【附註】

1000 (1000) 1000

114-111


東至通州如皋縣界

揚州府二州五縣圖 北至淮安府



南至江鎮丹

徒縣界



西至泗州天長縣界

揚州府圖說

揚州府天文斗牛分野星紀之次其地東薄海壖西距
天長南連京口北屆淮陰大江自六合縣界流入儀徵
過江都而東瓜洲屹然與鐵甕城相望運河繞郡城東
南逶迤北流達於淮泗從上江來者自儀徵入從京口
濟者自瓜洲入皆會於揚子橋以入運河帆檣櫓比車
轂鱗次昔人稱為四會五達之莊是也若乃煮海之利
名擅東南富商巨賈輦載以至因之用度侈溢浸以成

風所謂塵開撲地歌吹沸天者由來舊矣至其唇齒淮
左肘腋金陵自昔重其形勢而漕運之所經財賦之所
輸動關

國計謂之雄邦非徒然也府境平曠少山惟西北蜀岡
綿亘四十餘里西屬儀徵六合儀徵濱大江水陸衝要
高郵州介居揚楚藪澤迴環有三十六湖樊良甍社之
類相連如貫珠土沃水深富有魚稻然當天長諸山水
之下流恃堤岸以為固焉寶應東有射陽湖東北界於

淮安之山鹽二邑其西南諸湖亦與高郵諸湖相通運道之襟喉也泰州川原沃衍魚鹽繁殖號為興區興化積水之場塗泥苦潦於府屬諸邑稱僻壤焉


東至海州沭陽縣界

徐州府一統七縣圖 北至山東省



南至鳳陽府

州府滕縣界



西至河南省歸德府虞城縣界

江南通志

二十六

宿州界

徐州府圖說

徐州府天文房心分野大火之次邳州奎婁之次其地東抵沭陽西連夏邑南界靈璧北通嶧縣黃河自河南虞城縣流入碭山界東經蕭縣又東至郡城又東經睢寧與邳州分界又東經宿遷又東南抵淮安之清河合於淮泗水自山東魚臺縣流入沛縣又東南至郡北汴水西北自碭山縣來注之是所謂汴泗交流者自大河南徙占二水為經流今自碭山以下汴之故道也郡城

以下泗之故道也運河自清河縣西北流至宿遷而濟
汶沂泗諸水實交會於此以利轉漕者也又北至邳州
西又西北流入汴縣界郡境東西相距數百里而黃河
貫其中運道出其左州一縣六星羅棋布舟車四出南
達江淮西北走齊魯梁宋之郊為南北之襟要故彭城
下邳自古稱重鎮焉郡治四山合沓如環汴泗為池城
隍峻整風氣勁悍多用武遺蹟東有二洪之險懸水百
仞南有戲馬臺高廣可以屯戍與城相表裏蕭處衆山

之中號為深阻豐沛碣山野曠原平並宜耕稼至宿遷
睢寧當黃運下流自河工告成隄堰鞏固而洩瀉有歸
邳宿之城庶可慶寧居矣

五言古詩


卷一

五言古詩

五言古詩


太湖州統四縣圖

北至通



南至松

州界




六丁河



妻江



儒學



嘉定縣
儒學

吳淞江

江界

金少曰人ノ二
太倉州圖說


太倉州天文斗牛分野星紀之次其地南接松江西界
崑山東濱大海北控江口大江自錫脚浦入海婁江自
崑山西來至劉河口亦入於海州承太湖東下之委為
水國門戶諸塘之水縱橫灌注並與海通故昔人論三
吳水利者半在州境焉至若瀕海之地岡阜相屬土人
謂之岡身蓋天之所以限滄溟也嘉定之練祁塘亦通
潮汐縣東南為吳淞江入海之口舊設寶山吳淞二所

以司防汎今寶山為縣矣崇明孤懸海中衆沙環之然
地直江海之會為吳郡外屏故重鎮設焉

東至海岸界

海州二縣圖

北至山




南至揚州府


省青州界

臨江司

高橋司



壽陽司



西至徐州府宿遷縣界

欽定四庫全書

江南通志

三

寶應縣界

海州圖說

海州天文奎婁分野降婁之次其地西連徐邳南接淮
甸北達山東東距大海海中有鬱洲鶯遊諸山鬱洲為
島嶼勝境鶯遊則元時海運之所經也州南有碩項湖
為安東縣界贛榆與沂莒二州相錯沭陽亦界於邳城
沭水自西北流經縣境入於碩項湖周禮所謂青州之
浸是也州境平行無關隘東望滄波既極浩渺之觀而
三方所屆水陸交通故自昔稱為南北襟要秦人立為

東門六朝倚為重鎮云

通州二縣圖

北至揚州府

東至海岸界

餘東呂四等鹽場

海門

通州儒學


廟灣東安等鹽場

丁安豐等鹽場


如皋縣儒學

狼山

南至鎮



興化縣界




江府界

通州圖說

通州天文斗牛分野星紀之次其地南控江口西望靖江東北瀕海自後周取之以通吳越而其名遂著南有狼山大江西來經其下而東至料角嘴入海南對昭文之福山鎮一葦可杭順流而東則抵崇明於海道無所不達江北之海防莫要於此故狼山設重鎮焉州所屬二邑其境皆抵大江如臯縣東亦距海自掘港東南諸鹽場棋布其間運鹽河自泰州東行經如臯入州界而

東達於呂四場其聯絡貫注者為串場河匪惟鹽艘所
關亦設險之地也泰興縣與靖江錯壤斜連孟瀆舟艇
往來雖屬通州實揚郡之屏蔽矣



江南通志卷一

欽定四庫全書

史部

江南通志卷三

詳校官給事中_臣丁雲錦

檢討_臣德生覆勘

總校官編修_臣王燕緒

校對官庶吉士_臣吳裕德

謄錄監生_臣蔣傳馨

欽定四庫全書

江南通志卷二

輿地志

圖說二

安慶府圖

有說

徽州府圖

有說

寧國府圖

有說

池州府圖

有說

太平府圖

有說

廬州府圖

有說

鳳陽府圖

有說

潁州府圖

有說

滁州圖

有說

和州圖

有說

廣德州圖

有說

六安州圖


有說

泗州圖
有說

州廬至北


安慶府統六縣圖

東至廬州府無為州界



南至高州府

府舒城縣界



西至湖廣黃州府黃梅縣界

江南通志

流縣界

安慶府圖說

安慶府天文斗分野星紀之次其地東連無為北距舒城南及西界於江楚所屬六邑瀕江者四焉大江自蘄黃東匯潯陽彭蠡之水入宿松界小孤山屹立中流江濤迅急元人立鐵柱於此曰海門第一關實為郡之門戶又東經望江縣抵郡城繞其三面又東過桐城之樅陽鎮入無為州江行府境凡四百餘里其形勢上控全楚下蔽金陵故六朝俱以皖城為重鎮迄今撫臣開府

其地以鞏固疆宇焉境內諸山則有府治之大龍百子
桐城之龍眠浮渡潛山之天柱太湖之司空皆巖崎磅
礴作鎮一方水則匯為川澮潄為陂澤莫不灌輸於江
而以潛水樞陽河為之經昔人稱其山深秀而穎厚水
迤邐而蕩潏鍾美蘊靈巍然為上游都會良有以也若
乃其地扼江之衝巨浸環之一遇淫霖易致暴漲其遠
於江者又支流易涸則溝洫之務視築防為尤要矣


國寧至北

圖縣六統府州徽

全圖

卷二

東至浙江杭州府昌化縣界



府州嚴江浙至南

徽州府圖說

徽州府天文斗分野星紀之次其地北距寧郡之太平
西界江西東及南俱連於浙郡在山嶺川谷崎嶇之中
地勢斗絕山水雄深巍峩以瀕吳會盤踞亘乎楚尾據
兩浙之上游為百城之襟帶其山以黃山白嶽為最而
齊雲之高則郡內諸峯一覽可盡若休寧之白際馬金
婺源之張公浙嶺石耳桃源祁門之厯山大共黟縣之
魚亭牛泉績溪之大鄣龍從徽嶺大熬或高峯峭壁上


矗雲霄或複嶺重岡旁跨州邑能令遊觀者賞其幽遐
安土者樂其奧突焉龍嵒山與府北之窮嶺通寧國者
也昱嶺大鱗嶺界浙之衢嚴者也黃竹嶺梅嶺連江西
之饒郡者也五嶺在休婺之間尤稱險塞其水則郡城
之練溪納黃山龍嵒山之水而注於歙浦又會休婺祁
黟四水同為新安江入於錢唐婺源之武溪祁門之大
共二水西流入於彭蠡入浙江者為灘三百六十八彭
蠡者為灘亦三百六十觀於水而地勢之高可知矣府

屬六邑咸有溪山之勝然嶺谷險陋壤地磽瘠水湍悍
少諸畜不雨易枯驟雨則山漲暴至故農事必豫為之
備焉

寧國府統六縣圖


北至太平

東至廣德州建平縣界



南至徽州績

西至池州府青陽縣界



寧國府圖說

寧國府天文分野星紀之次東距建平西接青陽南抵績溪北連姑孰自昔推為名勝之郡其山之脈有三南由黃山者歷太平旌德之東寧國之西而抵於郡治東南由天目者一歷廣德西南至郡治之東一自漂水南界建平西界而出於南湖之北西南由九華者歷涇縣之西而北至於南陵若府治之陵陽敬亭柏枧華陽麻姑行廊寧國之文脊紫山涇之水西承流太平之黃


山陵陽南陵之工山朗陵皆名山也水之源亦有三南
由績溪衆山及天目北麓者歷寧國至郡治為句溪與
宛溪合西由太平涇川者至郡治為青弋江東由建平
者潄於南湖西合宛句二溪及青弋江而西會於黃池
又北流至蕪湖入於江他若寧國之東西二溪涇縣之
賞溪藤溪太平之麻川旌德之徽水南陵之小淮水皆
巨川也其險阨形勢被山帶江襟池負歛為東南要郡
焉

府慶安至北

圖縣六統府州池

東至寧國府南陵縣界

卷二




祁府州徽至南

桐城縣界

西至江西九江府彭澤縣界

江南通志

十



門縣界

池州府圖說

池州府天文斗分野星紀之次其地東距南陵西連彭澤南屆祁門北抵桐城大江自西流入境馬當山橫枕其中為彭澤東流分界之所昔以為兼太行呂梁之險者由此而東逕郡城北又東逕銅陵縣鵲頭山六朝置戍於此以為重鎮江北岸則安慶桐城及無為州之境也郡襟帶江山控扼肥皖居金陵之上游當江濱之孔道稱要會焉山之著者曰九華水之美者曰秋浦所謂

九華之秀秋浦之清也郡之西南二百餘里崇山峻嶺
壤界徽饒青陽東通山越建德南接鄱陽俱為嶺隘崇
峻之地其濱江要害則上自東流之紫磯下抵銅陵之燕
支夾凡四百八十里磯嘴森列焉郡地山多而泉寒田
畝既少近江之區稍稱沃衍而蒹葭萬頃且浮於通郡
之田矣

府寧江至北

圖縣三統府平太


卷二

東至江寧府溧水縣界



府國寧至南

江蘇縣界



西至和州界

江南通志

十一

南陵縣界

太平府圖說


太平府天文斗分野星紀之次其地東界漂水西接歷陽南連寧國北距金陵轄三縣枕大江江水西南自池州府入繁昌縣界有赭圻戰鳥山三山磯及鵲尾虎檻二洲皆舟師屯營之所江水又東北經蕪湖西過螺磯其北岸即無為州又北逕府治西博望山在其西南與和州梁山對峙相去不過數里遙望如門故謂之天門山其西北則牛渚山在焉北對和州橫江江面甚狹易

於津涉江水又北入江寧縣故自上游來者則天門當其要害自橫江渡者則牛渚扼其咽喉所謂天限巖峻江津之襟要矣郡境之水則江巖寧池廣德諸溪流匯為石臼固城丹陽三湖而丹陽為最大郡之巨浸也其山則繁昌之山皆自南而北盡於丹陽之陰當塗之山皆自北而南盡於丹陽之陽蕪湖則濱丹陽而縣故縣南山接繁昌而縣北山接當塗回環輿區皆稱磐固之邑


傷鳳至北

圖縣四州一統府州廬

東至和州含山縣界



府慶安至南



廬州府圖說

廬州府天文斗分野星紀之次其地東距含山西阻潯
邑南界桐城北接定遠為淮右之襟喉長江之唇齒江
南要郡也江自桐城東行百八十里抵無為州江中有
螺磯與太平之蕪湖分界又東三十里至裕溪口入和
州境裕溪者即濡須水之分流也巢湖周四百餘里占
合肥舒城廬江巢四邑之境為淮南巨浸濡須水出焉
東南流經濡須七寶二山之間中有石梁通流即東關


口也其水出關口東注大江江流至此闊而多夾闊則浪平夾多則無風威最利津渡故自昔號為三吳之要害焉又有大小二峴在府治東自和州西趨壽陽自壽陽東抵金陵此為要路而小峴與含山連脉尤稱險塞又三公山在無為州西南界廬桐通英霍連亘數百里亦稱深險至若府境南阻大江北帶淮肥內擁巢湖夏秋暴漲動成澤國而平原曠野又以旱乾為病是在守土者

鳳陽府統二州七縣圖 北至徐州

金史地理志


卷二

東至泗州界



南至廬

府蕭縣界



西至潁州府界
江南通志

州巢縣界

鳳陽府圖說


鳳陽府天文斗分野星紀之次懷遠虹縣全婁分野降婁之次宿州房心分野大火之次其地東距滁城西接汝陰南界居巢北連蕭邑淮水西自潁上縣流至壽州有峽石山控其兩岸又東北歷懷遠則荆塗二山對峙而渦水自西北來流入於此所謂淮有渦口之險是也又經鳳陽臨淮而東入泗州之境其東南則澮潼滌沱所匯而入也郡上連汝潁下通楚泗為金陵之肩背南

北之腰膂而其形勝則繫乎長淮一水焉臨淮居兩淮之中壽州稱淮南都會輻輳水陸襟帶淮淝故壽春鍾離號為重鎮云其淮以北之靈璧虹縣則汴睢諸水所經宿州為徐泗衝要古所謂符離之塞者也蓋郡山川麗厚有中原之風土而壤地膏腴前代耕屯厯有成效其後斥鹵彌望民或告窳媮生有廣土而無良田遭遇隆平重農積穀講求水利則芍陂之遺利有不可勝用者矣

省南河至北 圖縣五州一統府州穎


金史地理志

卷二
東至鳳陽府壽州界



省南河至南

商丘縣界



固始縣界

西至河南省沈丘縣界

潁州府圖說

潁州府天文房心分野大火之次霍丘斗分野星紀之次其地東距鳳陽北抵徐州南接巢廬西南界跨中州淮水自河南固始縣流入霍丘又東北經潁上而至壽州潁汝二川俱於此入淮地勢平曠襟帶長淮津梁汴宋舟車四達南北衝要也昔人稱其土厚水甘又稱其水直而清曲而濟風土之美兼中和之氣多焉霍丘之南岡巒鬱積南接英六西連楚豫亦險塞之地矣亳州

平衍無山其水皆東流入渦以達於淮太和之沙河下
流為潁水其境多湖蕩水利治則成沃壤蒙城前襟黃
河後繞渦水蓋鍾離之藩翼云

圖縣二統州滁


州泗至北

東至江寧府六合縣界



和至南

吳昌碩



滁州圖說

滁州天文牛女分野星紀之次其地南接歷陽東通六合西距潁壽北達盱眙介於江淮之間倚大江以俯金陵四達之地兩淮之樞要也其山自中州蜿蜒而來琅琊馬鞍山其東南石臺清流障其西北所謂環滁皆山者也滁水為淮南大川自合肥縣流入全椒界又東北經州城南又東入六合縣達於瓜步注於江州境之水俱會於此清流闊距其西北崇山峻嶺聯絡如柵自昔

號為巖險若乃土厚而泉甘民樸而事簡山高水清洵
為勝地


州隸至北

和州一統圖

金史卷一百一十一

東至江寧府江浦縣界

卷二



州為無至南

西至靈州府界

江南通志



和州圖說

和州天文牛女分野星紀之次其地西控合肥北接滁
濠東南臨大江江自無為州流入南與當塗分界博望
梁山之所對峙也又東北入江浦縣境而烏江當利二
浦為州境之津要裕溪自巢縣東流入含山經州城南
注於大江即濡須水之分流也濡須山三國時為戍守
要地稱重險云若夫橫江之渡直對采石浦口之濟斜
睨金陵昭關之西走壽陽滁中之北通濠泗水陸皆當

衝要洵淮南之重地建康姑孰之襟喉也其浸之大者
曰歷陽湖明初涸其水以為田則畎澮溝洫之制守茲
土者所當隨地酌宜者矣

府江鎮至北

廣德州統一縣圖

金史地理志卷二


東至浙江湖州府長興縣界

卷二



湖江浙至南

界時陽深



西至寧國府宣城縣界

江南通志

二十四

界州吉安府州

廣德州圖說


廣德州天文斗牛分野星紀之次其地西接宣城北抵
漂陽東與南皆界於浙川谷盤紆襟帶吳越桐水出於
州南之桐源山北流經建平縣入於丹陽湖州治西北
有橫山即楚子重伐吳所至之衡山也建平東北有伍
牙山相傳子胥伐楚道經於此州當往來之衝自昔然
矣山高而谿峻水無停瀦田塍確無魚鹽之利林澤之
饒賦不登於上錯產不逮於中人守土者興陂塘以時

蓄洩益要務也建平西北有南碕湖實滙州與建平之水以入丹陽湖者

東至廬州府舒城縣界

六安州統二縣圖

北至鳳陽府




南至安慶府

定遠縣界

西至河南汝寧府固始縣界

江南通志

二十六



桐城縣界

六安州圖說


六安州天文斗分野星紀之次其地東界廬州北連濠
壽南望皖桐西通楚豫山川環繞號為險隘自州之西
南以迄東北皆崇山峻嶺蔽虧日月東有龍穴西有武
陟霍岳鎮其南沙河縈其北巖險控引於荆湖平塗直
達乎梁宋實廬州之喉舌淮西之要地也霍山因山名
縣即漢武巡狩禮之以為南岳者英山縣西達河南之
固始西南接湖廣之羅田萬山磅礴三省交會若因繁

劇而用之饒裕所謂淮右名州沃野千里者在所經畫而已

州徐至北


泗州三縣圖

東至揚州府寶應縣界



盧至南

界府



江南通志

西至鳳陽府臨淮縣界

三十八

州府界

泗州圖說

泗州及五河天文奎婁分野降婁之次盱眙天長斗分野星紀之次其地東接淮安南連六合西通靈璧北抵下邳為水陸都會與淮郡以洪澤湖為界而黃河北匯於清口長淮西引於桐柏上通宿壽下達維揚所謂梁宋吳楚之衝齊魯汴洛之道也地平曠無高山茂林而岡壟盤結風氣凝萃稱形勝之區焉盱眙阻山帶水為淮南衝要於古稱重鎮天長南近大江北通淮泗左揚

潤而右濠壽其地四達五河縣有五河口為濬沱滹漳
四水入淮之處並通舟楫南北往來之會也蓋州以淮
流為襟帶其形勢與鳳陽畧同而盱眙天長表裏江淮
云

江南通志卷二